

# KEJAYAAN PESKO MENARIK MINAT PELAJAR DALAM BIDANG PROTOKOL DAN PENGACARAAN

OLEH : NURUL SYAZANA AZIZ

SERDANG, 6 Jun - Sekretariat Penerbitan dan Pengurusan Korporat, Kolej Tun Dr Ismail (KTDI), UPM sesi 2020/2021 telah melaksanakan Bengkel Pengurusan Protokol dan Pengacaraan yang telah berlangsung pada tarikh 6 Jun 2020

Bengkel ini telah diadakan di aplikasi Zoom pada jam 10 Pagi hingga 12 Tengahari dengan penyertaan peserta hampir 200 orang yang sedia menimba ilmu pengetahuan tambahan mengenai pengurusan protokol dan mengacaraan.


Bengkel Pengurusan Protokol dan Pengacaraan merupakan program yang memberi pendedahan kepada pelajar dalam bidang protokol dan pengacaraan.

Tujuan program ini dilaksanakan adalah untuk memperkasakan kemahiran dalam menguruskan sesebuah majlis kepada ahli Sekretariat Penerbitan dan Pengurusan Korporat (PeSKO) KTDI dan pelajar Universiti Putra Malaysia (UPM) secara amnya dan juga mencungkil bakat-bakat pelajar dalam bidang protokol dan juga pengacaraan.

Bengkel ini berjaya memberi pendedahan berkaitan protokol, teknik pengacaraan yang betul, kemahiran-kemahiran yang digunakan dalam protokol dan pengacaraan, tugas-tugas sebagai ahli jawatankuasa protokol dalam sesebuah majlis, serta asas pengacaraan di dalam majlis secara formal atau tidak formal

Pelajar yang menyertai bengkel ini dapat mengaplikasikan ilmu yang dipelajari didalam majlis yang diadakan sama ada secara bersemuka atau atas talian.

Bagi menjayakan bengkel ini, pihak pengurusan telah menjemput seorang tetamu jemputan yang hebat bagi berkongsi pengalaman dan ilmu tentang protokol dan mengacaraan iaitu, Y.M Raja Muhammad Muzamir Bin Raja Mahadi yang memegang jawatan sebagai penasihat kelab pengacaraan (UPM).



Sesi bergambar bersama panel jemputan dan para pelajar

Kehadiran beliau telah menambah seri dan melengkapkan bengkel ini dengan perkongsian pengalaman dan ilmu yang sangat lengkap dan bermanfaat kepada para pelajar.

Penyampaian beliau berkenaan tajuk bengkel ini dapat memberi para pelajar ilmu yang jelas tentang erti sebenar protokol dan pengacaraan di sesuatu majlis dan secara tidak langsung membuka mata pelajar tentang kepentingan protokol dan pengacaraan di sesuatu majlis.

"Pengacara majlis ini adalah nadi ataupun muka depan sesebuah majlis, status majlis itu terletak pada prestasi pengacara tersebut" kata YM Raja Muzammil yang menekankan bahawa peranan dan tanggungjawab pengacara itu penting di dalam sesebuah majlis.

Beliau juga menjelaskan bahawa semua orang berpotensi untuk menjadi seorang pengacara atau moderator yang baik jika dilatih dengan baik, serta berani mencuba untuk mengacara.

Beliau juga secara tidak langsung menggalakkan para pelajar untuk melibatkan diri di dalam aktiviti pengurusan protokol dan pengacaraan kerana aktiviti-aktiviti ini dapat memberi manfaat kepada para pelajar di alam pekerjaan kelak.

Akhir sekali, diharapkan bengkel seperti ini dapat diadakan pada masa hadapan bagi melahirkan masyarakat yang mampu menguruskan protokol dan teknikal sesebuah majlis dan menggunakan prosedur yang betul untuk menguruskan majlis tersebut.